

ԳՖՀ-ի ՄԵՐԶԱՎՈՐԱՐԵՎԵԼՅԱՆ ՔԱՂԱՔԱԿԱՆՈՒԹՅՈՒՆԸ
ԺԱՄԱՆԱԿԱԿԻՑ ՓՈԽԼՈՒՄ (1982—1986)

ԱՇՈՏ ՄԱՆՈՒԶԱՐՅԱՆ

70-ական թվականների վերջին և 80-ական թվականների սկզբին Նվրոպական տնտեսական միության (ՆՏՄ) շրջանակներում մի շարք նախաձեռնություններին բերած գործուն մասնակցության և արաբա-իսրայելական կոնֆլիկտի հակամարտ կողմերի նկատմամբ վարած հավասարակշռված քաղաքականության հետևանքով Մերձավոր արևելքում ԳՖՀ-ի դիրքերը զգալիորեն ամրապնդվեցին: Միաժամանակ ԳՖՀ-ին հաջողվեց գրավել առավել ազդեցիկ սեզերից մեկը՝ դառնալով շրջանի երկրների տնտեսական պարտնյոր: ԳՖՀ-ն հանդիսանում է երկրորդ, իսկ արաբական մի շարք երկրների հետ՝ առաջին առևտրական տերությունը¹:

Բոննում համարյա 13 տարի կառավարած լիբերալ-սոցիալիստական կոալիցիայի մասնակիցների՝ Գերմանիայի սոցիալ-դեմոկրատական կուսակցության (ԳՍԴԿ) և Աղատդեմոկրատական կուսակցության (ԱԴԿ) հարաբերություններում երկար ժամանակ հասունացող ճգնաժամը ավարտվեց նրանով, որ 1982 թ. հոկտեմբերի 1-ին իշխանության գլուխ անցավ պաշտպանողական-լիբերալ կոալիցիան՝ Քրիստոնեադեմոկրատական միության (ՔԴՄ), Քրիստոնեասոցիալական միության (ՔՄՄ) և ԱԴԿ-ի մասնակցությամբ: ԳՖՀ-ի վեցերորդ կանցլերը դարձավ ՔԴՄ-ի նախագահ Հելմուտ Քոլը²: Նոր կանցլերը հանդես եկավ ճնշողաբան քաղաքականությամբ, որն արտաքին քաղաքականության մեջ ևս պահպանեց Քոլի գործողություններին անառարկելի աջակցմամբ:

Բունդեստագում կառավարական իր առաջին հայտարարության մեջ Քոլը մատակցեց, թե արևմտագերմանա-ամերիկյան հարաբերությունները ինքը դուրս կբերի «աղջամուղջից», կամրապնդի և կկայունացնի դրանք: Մատնացույց անելով, որ ՆԱՏՕ-ին անդամակցելը ԳՖՀ-ի համար «խաղաղության պաշտպանության գործուն քաղաքականության» հիմքն է, կանցլերը հանդես եկավ ՍՍՀՄ-ի և նրա վարած արտաքին քաղաքականության խիստ քննադատությամբ³:

Կանցլեր Քոլն ու նրա կառավարությունը ոչ պակաս կարևոր նշանակություն էին տալիս և այժմ էլ տալիս են զարգացող և, հատկապես, մերձավորարևելյան երկրների հետ հարաբերություններին: Ֆեդերալ կառավարությունը անփոփոխ թողեց և ջանում է խստիվ պահպանել ԳՖՀ-ի մերձավորարևելյան քաղաքականության՝ դեռ 70-ական թվականների սկզբին մշակված հիմնական ստրատեգիական կուրսը՝ «հավասարակշռվածությունը»: ԳՖՀ-ը շարունակում է խորացնել իսրայելի հետ բարեկամական հարաբերություններն ու միաժամանակ արաբական երկրների հետ զարգացնել «ավանդական բարվոք հարաբերություններ», փորձելով խուսափել այնպիսի իրավիճակներից, որոնք կարող են որևէ կերպ ազդել գոյություն ունեցող դրության

¹ M. Menta, West Germany and the Middle East, „Middle East“, L., 1985, N 130, p. 29—40.

² Հոգվածում փորձ է արվում բացատրելու ԳՖՀ-ի մերձավորարևելյան քաղաքականության հիմնական միտումները և կանցլեր Հ. Քոլի կառավարման ժամանակաշրջանում արաբա-իսրայելական կոնֆլիկտի նկատմամբ դրսևորված դիրքորոշումը:

³ „Verhandlungen des Deutschen Bundestages, (այսուհետև՝ „Verhandlungen“). 9. Wahlperiode, Bd. 122, 121. Sitzung, 13. Oktober 1982, S. 7220—7223.

վրա և այն շեշտակիորեն փոխել՝ հարվածի տակ դնելով Բոննի դիրքերը Իսրայելում և կամ արաբական աշխարհում: Դա երեւում է նաև Հ. Քոլի 1983 թ. մայիսի 4-ի կառավարական հայտարարությունից, որտեղ սահմանված են Մերձավոր արևելքում ԳՖՀ-ի քաղաքականության և արաբա-իսրայելյան կոնֆլիկտի նկատմամբ վերաբերմունքի երեք հիմնական սկզբունքները. Իսրայելի զոյություն իրավունքը՝ ճանաչված և անվտանգ սահմաններում, պաղեստինյան ժողովրդի ինքնորոշման իրավունքը և, վերջապես, այն, որ տվյալ երկու իրավունքներից և ոչ մեկը չպետք է իրագործվի ի հաշիվ մյուսի, այլ խոսքով՝ երկու կողմերն էլ պետք է փոխադարձաբար հրաժարվեն իրենց նպատակին հասնելու համար ուժի կիրառությունից³:

Քոլի կառավարությունը Իսրայելի հետ պահպանվող հարաբերություններում նոր տարրեր մտցրեց: Այսպես, համոզելով Իսրայելին, որ ԳՖՀ-ի գերմանացիների շրջանում «պատմական և բարոյական կուրուքներ» գոյություն չունի և շարունակ կրկնելով «ողբերգական անցյալի պատճառով հրեաների նկատմամբ գերմանացիների հատուկ պատասխանատվության» մասին, Ֆեդերալ կառավարությունը միաժամանակ ընդգծում էր, որ բոլոր գերմանացիների հալածական հանցանքի վերաբերյալ մշտական հիշեցումներն ու կըշտամբանքները և նրանց նոր սերնդից այդ հանցանքն ընդունելու պահանջն անարդարացի են: ԳՖՀ-ի արտգործմինիստրության պետական մինիստր Ալոիզ Մերտլսը դերմանա-իսրայելական 6-րդ կոնֆերանսում հայտարարեց. «Գերմանացիների նոր սերունդն այլ կերպ է մտածում: Դա բխում է այն բանից, որ Իսրայելի կառավարության քաղաքական ձեռնարկումներն ու ռազմական գործողությունները Գերմանիայում քննադատաբար են դիտվում և առարկայականորեն են գնահատվում: Ավելի ու ավելի մեծ թիվ են կազմում այն գերմանացիները, որոնք գտնում են, որ Իսրայելը ոչ թե կենդանի մնացած հրեաների երկիրն է, այլ՝ Մերձավոր ու Միջին արևելքում ամենից մարտունակ ռազմական տերությունը⁴: Ըստ այդմ, մեղավորության զգացողությունը չպետք է համարվի երկու ժողովուրդների ու պետությունների միջև բարվոք հարաբերությունների ամուր հիմք, քանի որ այն, Իսրայելի նկատմամբ ԳՖՀ-ում ստեղծված հասարակական կարծիքի պայմաններում, օրերից մի օր կարող է ուղղվել իր ստեղծողների դեմ: Քոլի կառավարությունը միջազգային սինիստական շրջանակներին և Իսրայելի կառավարությանը համոզեց, որ ավելի լավ կլինի, եթե Իսրայելի հետ ԳՖՀ-ի հարաբերությունները կառուցվեն հետևյալ հիմքի վրա. Իսրայելը Մերձավոր արևելքում «պետական-պառլամենտական միակ դեմոկրատիան է, որի հիմքի վրա էլ ստեղծվում են հիմնարար շահերն ու համատեղ աշխարհայացքը⁵:

Հանդես գալով որպես «Կոնրադ Ադենաուերի քաղաքական ժառանգորդ», կանցլեր Քոլը 1984 թ. Երուսաղեմ կատարած իր պաշտոնական այցելության ժամանակ վստահեցրեց, որ ԳՖՀ-ը Իսրայելի անվտանգության ամրապնդման մեջ տեսնում է իր մերձավորարևելյան քաղաքականության «կարևորագույն նպատակներից մեկը⁶: Ֆեդերալ կառավարության անունից նա վստահեցրեց Իսրայելի ղեկավարությանը, որ Մերձավոր արևելքի վերաբերյալ ԵՏՄ-ի համատեղ բոլոր հայտարարությունները հանդիսանում են լոկ Իսրայելին աջակցելու մի ձև և բնավ էլ ուղղված չեն նրա դեմ: ԵՏՄ-ի դիրքորոշման վերաբերյալ պարզորոշ խոսում է Իսրայելին ՄԱԿ-ի անդամների շարքից վտարելու

³ „Verhandlungen“, 10. Wahlperiode, Bd. 124, 4. Sitzung, 4. Mai 1983, Bonn, 1983, S. 72.

⁴ „Bulletin des Presse- und Informationsamtes der Bundesregierung“, (այսուհետև՝ „Bulletin“), № 109, 11. XI. 1982, S. 994.

⁵ Նույն տեղում, № 6, 18. I. 1984, էջ 45—46:

⁶ Նույն տեղում, № 13, 2. II. 1984, էջ 111:

վերաբերյալ արաբների պահանջներին արևմտաեվրոպացիների «վճռական հակահարվածի» փաստը⁷։

Միաժամանակ Քուլի կառավարությունը շարունակեց Հ. Շմիդտի կառավարության գիծը, դատապարտելով Իսրայելի արտաքին և ներքին քաղաքականության որոշ կողմերը։ Դործնականում դա դրսևորվեց սոսկ բռնագրավված արաբական տարածքներում բնակավայրեր ստեղծելու, մարդու իրավունքները ոտնահարելու և Դուլանը վարչականորեն Իսրայելին կցելու իսրայելական քաղաքականության ձևական քննադատության մեջ⁸։ Ըստ որում, այդ քննադատությունն էլ կրեց այն ձևը, թե իբր այդ քայլերով Իսրայելը «խոչընդոտում է կոնֆլիկտի կարգավորման ուղղությամբ ամերիկյան ջանքերին»⁹։ Բռնագրավված արաբական տարածքների հարցի՝ Իսրայելի կողմից «կարգավորման» նկատմամբ կանցլեր Քուլի իսկական վերաբերմունքը պարզորոշ դրսևորվեց նրա այն հայտարարության մեջ, ըստ որի Իսրայելի կառավարությունը պետք է անցկացնի «վստահություն ներշնչող միջոցառումներ»՝ «բարելավելու համար գրավված մարզերի բնակչության կենսապայմանները»¹⁰, սակայն ոչ մի խոսք չէր ասվում այդ տարածքները արաբներին վերադարձնելու մասին։

Մերձավոր արևելքում ԳՖՁ-ի արտաքին քաղաքականության ճշտորոշման և իրականացման հարցում Իսրայելի ազդեցությունը պարզորոշ երևաց Սաուդյան Արաբիային արևմտադերմանական տանկեր վաճառելու մասին որոշումը պետական մակարդակով չեղյալ հայտարարելու փաստում։ «Շպիդեր» հանդեսը գրում էր, որ, «կանգնելով իսրայելացիների և սաուդացիների միջև ընտրություն կատարելու առաջ, գերմանացիները (արևմտադերմանացիները — Ա. Մ.) հարկադրվեցին մի «փոքր վատություն» անել և արաբներին հիսթափանցեցնել»¹¹։ Եվ դա այն բազում հայտարարություններից հետո, թե իբր ԳՖՁ-ը առաջնորդվում է ոչ թե «հրեաները կամ արաբները», այլ՝ հավասարակշռված հարաբերությունների համար հիմք հանդիսացող «և՛ հրեաները, և՛ արաբները» լուղնգով¹²։ Փաստորեն շրջանցվում էր նաև այն կարևոր նշանակությունը, որ ԳՖՁ-ի համար ունի Սաուդյան Արաբիայի հետ կատարվող առևտուրը։ Այդ փաստն ուշագրավ է նաև այն իմաստով, որ և՛ միջազգային սինիստական շրջանները, և՛ ԱՄՆ-ի ու Իսրայելի կառավարությունները համոզված էին ԳՖՁ-ի այն երաշխիքների մեջ, որ, հաշվի առնելով «Իսրայելի անվտանգության հատուկ կացությունը», այդ զենքը ուղղվելու է ոչ թե նրա դեմ, այլ՝ իբր «Սաուդյան Արաբիայի անվտանգությանն սպառնացող Սովետական Միության ծավալապաշտական նկրտումների դեմ», որպես պնդում էին նաև թագավոր Ֆահդն ու արտաքին գործերի մինիստր Սաուդ ալ-Ֆեյսալը¹³։

Իսրայելին տրվող կոնկրետ բարոյաքաղաքական աջակցության ու նյութական օգնության բազմաթիվ փաստերի և իսրայելյան որոշ գործողությունները միայն խոսքով դատապարտելու իրողության ուսումնասիրությունը թույլ է տալիս Իսրայելի հետ ԳՖՁ-ի կապերը բնութագրել որպես «Մերձավոր արևելքում ՆԱՏՕ-ի պլանցդարմ», Իսրայելի և ԳՖՁ-ի կառավարող շրջանների դասակարգային ընդհանուր շահերի հիման վրա հետագա մերձեցմանը՝ և ամրապնդմանը նպատակամղված սերտ հարաբերություններ։ Եվ որքան էլ, որ ԳՖՁ-ի կառավարությունը ազդարարի իր մերձավորարևելյան «հավասար-

⁷ Նույն տեղում, № 109, 11. XI. 1982, էջ 995։

⁸ Նույն տեղում, № 97, 27. IX. 1983, էջ 898։

⁹ Նույն տեղում, № 17, 9. II. 1983, էջ 158։

¹⁰ «Аль-Ахрар», Каир, 31. X. 1984.

¹¹ «Der Spiegel», N 40, 3. Oktober 1983, S. 42.

¹² «Bulletin», № 46, 18. 01. 1984, S. 47.

¹³ «Der Spiegel», N 42, 17. Oktober 1983, S. 17—19; «Bulletin», N 6, 18. I. 1984, S. 49; N 13, 2. II. 1984, S. 120.

րակշռված» քաղաքականության մասին, դա չի կարող սասանել այն իրողությունը, որ իրականում այդ քաղաքականությունը բնութագրվում է արևմտագերմանացի մի հետադուտողի այն դիպուկ դիտողությամբ, թե «Քուլի մուտքը արաբական աշխարհ անցնում է իսրայելական դարպասով»¹⁴:

80-ական թվականներին ԳՖՀ-ի հարաբերությունները արաբական երկրների հետ նոր փոփոխություններ կրեցին. ավելի ակնբախ դարձավ առհասարակ դեպի արտահանում կողմնորոշված ԳՖՀ-ի արդյունաբերության կապվածությունը Մերձավոր արևելքից՝ և որպես «վաճառահանման հուսալի ու տարողունակ շուկայի», որտեղ ավելի շատ են արևմտագերմանական ապրանքներ արտահանվում, քան դեպի Հյուսիսային Ամերիկա, և որպես նավթի հիմնական մատակարարի (54 %)՝¹⁵։ Եվ անկախ Բոննի այն հավաստիացումներից, թե ինքն իբր չի նկրտում այդ շրջանում ձեռք բերել ազդեցության գոտին ու տիրապետող դիրք, իրերի իսկական վիճակը հակառակն է ցույց տալիս։ ԳՖՀ-ի պլաններում արաբական աշխարհին հատկացվող տեղն էր պատճառը, որ Եվրոպայից և ԱՄՆ-ից հետո կանցլեր Քուլի առաջին ուղևորության երթուղին ընդգրկեց Հորդանանը, Եգիպտոսը և Սաուդյան Արաբիան։

Արաբական աշխարհ լայնորեն ներթափանցելու համար ԳՖՀ-ն պաղեստինյան հարցում ունի ինքնատիպ դիրքորոշում։ Բոննի այժմյան կառավարությանը բնորոշ է պաղեստինցիների ինքնորոշման իրավունքի նկատմամբ յուրահատուկ, հաճախ հակասական մոտեցումը։ Մի կողմից, կասկածի տակ չի դրվում պաղեստինյան ժողովրդի իրավունքը, իսկ մյուս կողմից, ֆեդերալ կառավարությունը գտնում է, որ այս հարցում իբր թե ժխտական տարր է հանդիսանում Պաղեստինի ազատագրական կազմակերպության (ՊԱԿ) «անհիմն» պահանջը՝ իրեն համարելու պաղեստինյան ժողովրդի միակ ներկայացուցիչը և պաղեստինյան սեփական պետության ստեղծումը դիտելու որպես ինքնորոշման իրավունքի կենսագործման միակ ձև։ Միաժամանակ, Բոննը հայտարարում է, որ պաղեստինցիները կատարելապես իրավունք ունեն որոշելու իրենց ապագան, ինչպես և այն հարցը, թե ով է ներկայացնելու պաղեստինյան ժողովրդին¹⁶։ Մի կողմից, Բոննի կառավարությունը գտնում է, որ ՊԱԿ-ը չի հանդիսանում պաղեստինյան ամբողջ ժողովրդի ներկայացուցիչը, իսկ մյուս կողմից ՊԱԿ-ին գնահատում է որպես քաղաքական կարևոր ուժ և պաղեստինյան ժողովրդի նկատմամբ իր դիրքորոշումը կառուցում է նրա հետ հաստատված հարաբերությունների վրա։ ՊԱԿ-ի նկատմամբ ԳՖՀ-ի վերաբերմունքի մեջ նկատվում է Քուլի կառավարության և սոցիալ-լիբերալ կոալիցիայի (Վ. Բրանդտ, Հ. Շմիդտ) նախորդ կառավարությունների դիրքորոշման որոշակի հաջորդականություն։ ԳՖՀ-ը ՊԱԿ-ին կճանաչի լոկ այն ժամանակ, երբ վերջինս անվերապահորեն կընդունի Իսրայելի գոյության իրավունքը ճանաչված և անվտանգ սահմաններում և կհրաժարվի նրա դեմ զինված գործողություններից¹⁷:

Դտնելով, որ պաղեստինցիների կողմից ինքնորոշման իրավունքը «դարձել է շարաշահության և ոչ ճիշտ մեկնաբանության զոհ», քանի որ նրանց հասկացությամբ դա իրենց նախապես իրավունք էր տալիս ոչնչացնելու Իսրայելը և տնօրինելու կիբանանում, և որ 1982 թ. Ֆեսի արաբական վեհաժողովում էլ ՊԱԿ-ը հստակորեն չընդունեց Իսրայելի գոյության իրավունքը, ըստ ֆեդերալ կառավարության, պաղեստինյան ժողովրդի ինքնորոշման իրավունքը կարող է իրագործվել միայն արաբ-իսրայելական կոնֆլիկտի կարգավորման վերաբերյալ Իսրայելի մասնակցությամբ և համաձայնությամբ կնքված պայ-

¹⁴ „Frankfurter Allgemeine Zeitung“, 3. X. 1983.

¹⁵ „Bulletin“, № 103, 5. X. 1983, S. 949; N 102, 12. IX. 1984, S. 903.

¹⁶ „Bulletin“, № 109; 11. XI. 1982, S. 996; N 20, 18. II. 1983, S. 188.

¹⁷ „Verhandlungen“, Bd. 122, 128. Sitzung, 12. November 1982, Bonn, 1982, Anlage 34, S. 7919.

մանագրով¹⁸։ ԳՖՀ-ի նույնիսկ նմանօրինակ գիրքը, ըստ որի պաղեստինցի-ներին ինքնորոշման իրավունքն ամբողջությամբ կախման մեջ է դրվում Իսրայելի համաձայնությունից, վերջինիս կառավարողների կողմից դիտվում է որպես «ՊԱԿ-ի սիրաշահում» և ենթարկվում խիստ քննադատության¹⁹։

Իրանա-իրաքյան շարունակվող պատերազմի նկատմամբ ԳՖՀ-ը հայտարարել է իր խիստ շեղոք դիրքորոշման մասին և երկու կողմերին էլ կոչ է անում զենքերը վայր դնել և նստել բանակցությունների սեղանի շուրջ²⁰։

Ֆեդերալ կառավարությունը ուշադիր հետևում է նաև Նիքսոնի տեղի ունեցող իրադարձությունների զարգացմանը, հանդես է գալիս հօգուտ երկրի ինքնիշխանության և տարածքային ամբողջականության պահպանման, աջակցում է բոլոր ասպարեզներում լիբանանյան պետության հեղինակությունը վերականգնելու և երկրի տարբեր խմբավորումները միավորելու լիբանանյան կառավարության փորձերին²¹։

Ֆեդերալ կառավարությունը ձեռք չի քաշում Հորդանանին քեմի-դեկոյան համաձայնագրի մեջ ներքաշելու փորձերից։ Նա ջերմորեն ողջունեց Եգիպտոսի հետ Հորդանանի դիվանագիտական հարաբերությունների վերահաստատումը, դա քննադատելով որպես Մերձավոր արևելքում խաղաղության որոնման գործում կարևոր ներդրում²²։

Սոցիալիստական կողմնորոշում ունեցող արաբական երկրների հեղափոխական պրոցեսում նկատվող ճգնաժամային երևույթների²³, Մերձավոր և Միջին արևելքում դեպի աջ կատարվող ընդհանուր տեղաշարժերի և հակասովետիզմի ու հակակոմունիզմի աշխուժացման պայմաններում Իսրայելի հետ ԳՖՀ-ի հարաբերությունների ամրապնդումը արաբական մի շարք կառավարող շրջանների կողմից չի դիտվում որպես արաբական երկրների նկատմամբ ԳՖՀ-ի թշնամական վերաբերմունքի դրսևորում, մանավանդ, որ ինչպես նշվեց վերևում, Բոննը վարպետորեն օգտագործում է պաղեստինյան հարցում իր յուրահատուկ դիրքորոշումը։ Դրա հետ մեկտեղ, արաբական երկրների կառավարություններն իրենք էլ, հետևելով Բոննի հավաստիացումներին այն մասին, թե այդ մերձեցումը ազդեցություն չի գործի Մերձավոր արևելքում ԳՖՀ-ի հավասարակշռված կուրսի վրա, չեն բողոքում արևմտագերմանա-իսրայելյան փոխհարաբերություններում վերելքի նոր ալիքի դեմ։ Դեռ ավելին. արաբական աշխարհի քաղաքական ազդեցիկ ուժերը հանձին ԳՖՀ-ի տեսնում են մի տերություն, որի հետ գոյություն ունեցող փոխհարաբերությունները կարող են փոխարինել հասարակական լայն խավերի աչքում իրենց վարկաբեկող փոխհարաբերություններին ԱՄՆ-ի հետ, որի բացահայտ իսրայելաթեք դիրքորոշումը քաղաքական մասերի ոչ մի հնարավորություն չի թողնում։ Միաժամանակ, նրանց կարծիքով ԳՖՀ-ի տնտեսական հզորությունը խոչընդոտ կհանդիսանա ՍՍՀՄ-ի և սոցիալիստական մյուս երկրների հետ արաբական պետությունների համագործակցությանը։

Ի տարբերություն իր նախորդի, Քուլի կառավարությունն ընդգծում է իր կատարյալ համաձայնությունը ամերիկյան մերձավորարևելյան քաղաքականության հետ, ԱՄՆ-ին համարելով ժամանակակից փուլում միակ տերությունը, որն իր ռազմական հզորությամբ և քաղաքական ազդեցությամբ նպաստում է Մերձավոր արևելքում խաղաղության հաստատմանը։ Նույնիսկ Վաշինգ-

¹⁸ „Bulletin“, № 109, 11. XI. 1982, S. 995; № 28, 24. III. 1983, S. 243.

¹⁹ „Der Spiegel“, N 49, 6. Dezember 1982, S. 58; „Bulletin“, № 6, 18. I. 1984, S. 47.

²⁰ „Bulletin“, N 100, 7. IX. 1984, S. 882.

²¹ Նույն տեղում։

²² Նույն տեղում, № 27, 19. III. 1983, էջ 234, № 6, 18. I. 1984, էջ 47, № 134, 6. XI. 1984, էջ 1186։

²³ Н. О. Оганесян, Революционный процесс в современном арабском мире (особенности и перспективы). «IV Всесоюзная конференция арабистов. Тезисы докладов», Ереван, 1985, с. 52—54.

տոնի այնպիսի ագրեսիվ գործունեությունը, ինչպիսին Լիբիայի ուժակոծումն էր, Ֆեդերալ կառավարության կողմից խստորեն չբողոքարկվեց, ինչպես դա կատարվեց, օրինակ, արևմտաեվրոպական մյուս երկրներում²⁴։ ՆՍՄ-ի երկրները, Բոննի կարծիքով, Մերձավոր արևելքում որոշակիորեն սահմանափակ դեր ունեն գոյություն ունեցող կոնֆլիկտի վերացման հարցում և չպետք է ապակողմնորոշեն արաբական երկրներին Արևմտյան Եվրոպայի հնարավորությունները գնահատելիս։ «Դրա համար էլ եվրոպական մերձավորարևելյան քաղաքականությունը երբեք չպետք է անջատվի ԱՄՆ-ից կամ անցկացվի ընդդեմ ԱՄՆ-ի», — պնդում են Բոննում²⁵։ Այն պետք է լրացնի ամերիկյան քաղաքականությունը և աջակցի դրան։ ԳՖՁ-ի կառավարության համար «առանձնահատուկ կարևոր նպատակն» է իր մերձավորարևելյան քաղաքականության համաձայնեցումը ամերիկյան հետ։

Արևմտյան Գերմանիայի մերձավորարևելյան քաղաքականության սկզբունքների «անկեղծությունը» կառուցվում է հակակոմունիզմի և հակասովետիզմի խախուտ հիմքի վրա։ Բոննի կառավարությունը մերձավորարևելյան կոնֆլիկտի կարգավորման հարցում իր շահագրգռվածությունն ու հույսերը պայմանավորում է Մերձավոր և Միջին արևելքում ՍՍՀՄ-ի վարկի անկման և դիրքերի թուլացման հետ։ ԳՖՁ-ում անհիմն պնդում են, որ ՍՍՀՄ-ը հատկապես միջազգային լարվածությունը սրելու և իր դիրքերը ամրապնդելու համար երրորդ աշխարհի երկրներին ներքաշում է Արևելք-Արևմուտք համընդհանուր կոնֆլիկտի մեջ։ Ֆեդերալ կառավարության կարծիքով, «Սովետական Միությունը Մերձավոր արևելքի գործերին միջամտելու հնարավորություն կստանա այդ շրջանում միայն ու միայն լարվածության հետագա պահպանման և ռազմական նոր կոնֆլիկտի դեպքում, ինչը որ չի բավարարում ԳՖՁ-ին»²⁶։ Ֆեդերալ կառավարությունը ստապատիր կերպով պնդելով, թե իբր Մերձավոր արևելքում առկա է «սովետական սպառնալիք» Արևմուտքի հետ իր համատեղ շահերին, համաձայնվեց ՆԱՏՕ-ի գործունեությունը տարածել այդ շրջանի և Պարսից ծոցի վրա²⁷։ Դա արաբական առաջադիմական ուժերի կողմից դիտվում է որպես իմպերիալիստական տերությունների, այդ թվում ԳՖՁ-ի, ծավալապաշտության բացահայտ դրսևորում։

Վերջին տարիներին Մերձավոր արևելքում իրադրության վտանգավոր սրումը հետևանք է ԱՄՆ-ի նեոգլոբալիզմի քաղաքականության, որը այդ շրջանին կարևորագույն հենարանի դեր է հատկացնում իր իմպերիալիստական-հեգեմոնիստական ծրագրերի իրագործման խնդրում։ Շրջանում ուժեղացնելով իր ռազմական ներկայությունը, Վաշինգտոնը ձգտում է վերացնել իր համար անցանկալի վարչակարգերը, ճնշել ազգային-ազատագրական շարժումը։ Տեղային կոնֆլիկտներ հրահրելու իրենց կուրսը վարելիս, Միացյալ Նահանգները Մերձավոր արևելքում հենվում են Իսրայելի կառավարող շրջանների վրա, խրախուսելով ու աջակցելով արաբական երկրների և պաղեստինյան ժողովրդի դեմ ուղղված նրանց ծավալապաշտ քաղաքականությունը։

ՍՍՀՄ-ը վճռականորեն հանդես է գալիս որպես ռեգիոնալ առճակատում-ները հարթելու կողմնակից։ ՍՄԿԿ գլխավոր քարտուղար Մ. Ս. Գորբաչովը ԱՄՆ-ի պետական քարտուղար Ջ. Շուլցի հետ զրույցի ժամանակ նշեց. «Ինչ վերաբերում է ռեգիոնալ կոնֆլիկտներին, ապա մեզանում այն տպավորություն է ստեղծվում, որ ԱՄՆ-ում դրանք դիտվում են որպես առճակատման մակարդակի միջոցով մասնակրելու, ուժի քաղաքականության և հակասովետական պրոպագանդայի մշտական ռեզերվ... Մենք գտնում ենք, որ չի կարելի

²⁴ „Der Spiegel“, N 17, 21. April 1986, S. 19—21; N 19, 5. Mai 1986, S. 8—9.

²⁵ „Bulletin“, № 109, 11. XI. 1982, S. 995.

²⁶ Նույն տեղում, № 6, 20. I. 1983, էջ 49.

²⁷ „Der Spiegel“, № 42, 17. Oktober 1983, S. 18; „Bulletin“, № 16, 10. II. 1984, S. 141.

ռեգիոնալ կոնֆլիկտները վերածել երկու սիստեմների, հատկապես ՍՍՀՄ-ի և ԱՄՆ-ի հակամարտության քաղաքականության²⁸, Սովետական Միությունը հանդես է եկել և շարունակում է հանդես գալ հոգուտ մերձավորարևելյան կոնֆլիկտի արդարացի կարգավորման: ՍՍՀՄ-ի կառավարության կարծիքով, նշեց Մ. Ս. Գորբաչովը «Ունիտա» թերթի խմբագրության հարցերին պատասխանելիս, արաբա-իսրայելյան կոնֆլիկտի քաղաքական կարգավորման սկզբունքային հիմքը հետևյալ տարրերի կենսագործումն է. իսրայելական զորքերը պետք է դուրս բերվեն այն տարածքներից, որոնք գրավված են 1967 թ. հունիսից ի վեր, պետք է ճանաչվեն Պաղեստինի արաբ ժողովրդի օրինական իրավունքները, այդ թվում սեփական պետականություն ստեղծելու իրավունքը, Մերձավոր արևելքի բոլոր պետությունները, ներառյալ իսրայելը, պետք է ապրեն խաղաղության պայմաններում, անվտանգ և ճանաչված սահմանում²⁹:

Սովետական Միության խաղաղասիրական հետևողական քաղաքականությանը հակադրվում են ԱՄՆ-ը, հյուսիս-ատլանտյան ագրեսիվ բլոկի գծով նրա դաշնակիցները և առաջին հերթին Արևմտյան Գերմանիայի կառավարող շրջանները: Ընթանալով զարգացող երկրների նկատմամբ իմպերիալիստական պետությունների ընդհանուր քաղաքականության հունով, շանալով արգելակել այդ երկրներում հեղափոխական պրոցեսների զարգացումը և դրանց պահել կապիտալիզմի ոլորտում, ֆեդերալ հանրապետությունը շարունակ գտնվել է նեոգաղութարարական ձկուն մեթոդների և արաբական երկրների հետ փոխհարաբերությունների ձևերի տեական որոնումների մեջ, ցանկանալով «գրգռող» հարցերը «խլացնել փոխզիջումային հիմքի վրա», բնականաբար, այնպիսի փոխզիջումի, որը թույլ կտար պահպանել իր դիրքերը³⁰:

Ամփոփելով նշենք, որ Մերձավոր արևելքում կանցլեր Բոլի հայտարարած «տեականության և հավասարակշռվածության» արտաքին քաղաքական սկզբունքը³¹ նպատակ ունի ԳՖՀ-ին ապագայում ևս բերելու ոչ քիչ շահաբաժին, քանի որ այդ շրջանում Բոլնի արտաքին քաղաքական կուրսը բավականաչափ հետևողական է և անմիջականորեն արձագանքում է տեղական քաղաքական կլիմայի փոքրագույն իսկ տատանումներին, առանց սակայն դուրս գալու ընդհանուր հավասարակշռված կուրսի շրջանակներից:

БЛИЖНЕВОСТОЧНАЯ ПОЛИТИКА ФРГ НА СОВРЕМЕННОМ ЭТАПЕ (1982—1986)

АШОТ МАНУЧАРЯН

Правительство Г. Коля не ввело коренных изменений в ближневосточную политику ФРГ, оставив в основе принцип «сбалансированности» в отношении сторон арабо-израильского конфликта. Практически же федеральное правительство продолжает поддерживать Израиль, внося некоторые коррективы в свою политику. Позиции Бонна на Ближнем Востоке укрепляются, что обусловлено стабильностью экономических связей со странами региона и оперативным реагированием на малейшие сдвиги местного политического климата. Правительство Г. Коля и в рамках ЕЭС содействует ближневосточной политике США, выдвигая на первый план идеологического проникновения в регионе антисоветские и антикоммунистические лозунги.

²⁸ «Սովետական Հայաստան», 16. IV. 1987:

²⁹ Նույն տեղում, 20. V. 1987:

³⁰ К. Н. Брутенц, Освободившиеся страны в 70-е годы, М., 1979, с. 82.

³¹ „Frankfurter Allgemeine Zeitung“, 13. XII. 1982.